

REUNION PUBLICO PA BIN UN UN RWZI NOBO DEN PARLAMENTO



WWW.SOLODIPUEBLO.COM



SOLODIPUEBLO@GMAIL.COM

GERLIEN CROES A RECTIFICA Y PIDI DISCULPA NA MINISTER PRESIDENT

Diahuebs atardi Parlamentario Sra. Gerlien Croes durante su discurso den parlamento a extende su disculpa na Promer Minister di su acusacionnan cu e no tin prueba pe. Pues el'a rectifica su ponencia.

Gerlien a lansa acusacion falso, bisando cu Evelyn ta accionista of heredero den compania di abogacia di su tata, esta, Sr. Hendrik Croes.

Sra. Wever Croes a refuta e acusacionnan

aki bisando cu ni e, ni su tata ta doño di e compania di abogado. E unico doño actual ta Sr. Anthony Ruiz. Pues, ni como heredero, Sra. Wever Croes lo toca parti.

Hendrik Croes tin 82 aña y a stop di traha cu 80 aña, pues tin 2 aña cu no ta trahando mas.

Gerlien Croes a purba di crea un storia falso, sin tin ningun prueba di loke la trece dilanti. Ora a yega su turno, el'a pidi disculpa pa su



acusacionan sin prueba, indicando tambe cu e lo no kier haye dilanti corte.

12 HURADO A HAYA DONALD TRUMP CULPABEL DEN CASO DI FRAUDE CU PAGONAN HACI NA MODELO PA CUMpra SILENCIO

Diahuebs atardi 12 hurado den corte na Merca a trece nan husgacion dilanti. Tur 12 hurado, unanime, a haya cu Donald Trump ta culpebel di falsifica administracion pa sconde pagonan haci na un modelo "Stormy Daniel".

Den añanan anterior Donald Trump a manetene un relacion cu e modelo. Na dado momento a paga e modelo 130 mil dollar pa cumpra su silencio, den porta di eleccion. E

pago di 130 mil no ta viola ningun ley, pero a declare como gastonan di abogado. Esey si ta un delito.

Como ex president di Merca, dia 12 di juli Hues lo dicta e castigo cu e lo haya. Como ex presidente, casi sigur e lo no bay cera, pero lo por haya otro sorto di castigo.

E sentencia no ta strobe di core pa president, pero si por strobe di emití su voto.



POLIS A CONFISCA 2 AUTO FOR DI PINDASTRAAT RELACIONA CU LADRONICIA



SEÑAL Y SINTOMANAN DI MEASLES (SARAMPI)

0.05.2024. Na momento cu un persona bin den contacto cu e virus di Measles, e prome sintomanan normalmente ta cuminsa aparece entre 10 cu 14 dia despues di e contacto.

Measles ta afecta e via respiratorio y despues ta plama full den e curpa. E prome sintomanan ta dura entre 4 pa 7 dia y ta encera:

- Nanishi ta core
- Keintura
- Tos
- Wowo cora y ta core awa?
- Manchanan blanco chikito parti paden di e boca

Entre 7 cu 18 dia despues di e contacto cu e virus ta aparece un rash cu mayoria di biaha ta cuminsa na cara y nek pa despues plama riba full e curpa. E rash ta dura den mayoria caso alrededor di 5 pa 6 dia prome cu e desaparece.

Mayoria morto a consecuencia di Measles ta pa motibo di complicacion relaciona cu e malesa. Complicacionan cu por presenta ta:

- Pulmonia
- Meningitis
- Cieguedad
- Ataca
- Infeccion di horea
- Diarea severo cu deshidratacion

Tur persona cu no ta vacuna of esnan cu a wordo vacuna y no a desaroya inmunidad por wordo contagia. Muchanan no vacuna y hende muher na estado ta esnan mas na riesgo pa desaroya complicacion. Si un hende muher na estado haya Measles durante su embaraso esaki por ta hopi peligroso pa e mama y por resulta den un parto prematuro pa e baby.



Pa mas informacion like nos Facebook page Directie Volksgezondheid DVG Aruba, Follow nos riba Instagram [directie_volksgezondheid_aruba](#), subi nos website [www.dvg.aw](#), yama nos na 5224200 of mail nos na [servicio@dvg.aw](#)

Prome Minister Evelyn Wever-Croes:

PARLAMENTONAN DI ARUBA Y HULANDA TIN E DECISION FINAL RIBA E RIJKSWET

Despues di e informacionnan cu a wordo duna durante e Conferencia di Prensa di Gobierno di Aruba siman pasa tratando e Rijkswet, miembronan di prensa a haya oportunidad pa haci pregunta na e ministernan. Prome Minister Evelyn Wever-Croes a duna su contesta riba un pregunta basta interesante cu a trata e rol di Parlamento di Aruba den e proceso di e rijkswet.

Na e momento aki tin un acuerdo riba liñanan grandi, y na momento cu firma esaki e interes di e debe di Covid ta bay baha di 6.9% pa 5.1%. Pa esaki no mester mas accion di Gobierno tampoco di Parlamento pa esey sino solamente e

firma di Prome Minister di Aruba y Secretario di Estado di Hulanda, señora Alexandra van Huffelen. Despues di esaki ta cuminsa cu e proceso di e rijkswet. Na fin di dia no ta Gobierno tin di bay di acuerdo cu e rijkswet pero ta Parlamento di Aruba y Parlamento di Hulanda tin e ultimo palabra.

Prome Minister ta menciona cu den e acuerdo aki, referiendo na e mocionnan cu Parlamento a duna su persona e mandato pa sigui negocia na final di aña pasa, a keda den e cuadro di esaki. Gobierno di Aruba ta respeta e derechonan di Parlamento y a bin cu algo hibride.

“Mester tene na cuenta

cu e realidad ta cu na 2015 e Gobierno y Parlamento di e tempo ey a bay di acuerdo cu un LAft (Landsverordening Aruba Tijdelijk financieel toezicht) den cual a duna Gobierno Hulandes hopi autoridad, a limita e autoridad di Parlamento di Aruba, entre otro cu Parlamento no por cambia e LAft sin cu Hulanda duna aprobacion.

No ta algo cu e Gobierno actual a palabra sino desde e tempo ey caba a palabra, y riba e puntonan cu Hulanda tawatin aden caba, nan no a cede kiermeen e puntonan ey bin bek. Pero mas cu esey no a wordo duna espacio. Tawatin un momento durante e negosacion, cu Hulanda tawata kier RAft (Rijkswet Aruba



financieel toezicht) so y no rijkswet y e LAft por sigui existi”, Prome Minister a indica.

Minister Endy Croes: A INTRODUCI E PROYECTO RA RA RA KINDER GEHEUGENSPEL NA ARCO IRIS KLEUTERSCHOOL



Diaranson mainta, Minister Endy Croes hunto cu Sra. Josianne Coutinho a bishita Arco Iris Kleuterschool pa introduci e proyecto Ra Ra Ra Kinder Geheugenspel. Sra. Josianne Coutinho a elabora cu proyecto RA RA RA ta un wega di memoria cu el a traha algun aña pasa, pa inspira y educa nos muchanan na un manera dibertido di nos flora y fauna. E wega ta pa e muchanan di tur edad, pero specialmente pa e alumnonan di

kleuterschool y klas 1, klas 2 y klas di scol basico. Con e wega ta traha? Un maestro of alumno cu ser eligi ta sinta dilanti di e klas. E persona aki lo mester uza un banchi pa cabes y un carta cu lo ser poni riba e banchi y no ta permiti pa mira e carta. E persona lo mester adivina ki tipo di bestia tin riba dje. E klas lo sigui splica mas tocante e bestia sin bisa e nomber. Asina cu tin suficiente informacion tocante e bestia, e persona

cu tin e carta lo mester adivina e nomber di e bestia. E maestro por siña e studentenan mas tocante e bestia door di habri e carta y lesa e texto cu tin den dje. E meta ta pa ora e muchanan crece nan tin mas aprecio pa nos naturalesa y nos gerencia.

Cabesante di Arco Iris Kleuterschool Sra. Nelly Orman a indica cu e scol a ricibi un presentacion breve, pero cu hopi contenido di e proyecto. Tambe por a presencia e reaccion y participacion positivo di e muchanan. E ta un material cu tin hopi contenido cu lo siña

e alumnonan di nos flora y fauna. Ademas di esaki, e tin e parti didactico aden. Sra. Orman a indica cu e ta un hoyo di material y cu na scol sigur lo haci uzo di dje den e curiculo diario. Pa conclui, Minister Endy Croes ta felicita Sra. Josianne Coutinho cu e bunita proyecto aki.

AWE

MINI

MEGA

MEGA PLUS

Awo cu 2 florin mas, bo por gana e

* Afl. 925.000,-

* Afl. 650.000,- + Afl. 275.000,-
extra

Benta ta sera 7:30 pm y sorteo ta hunga 7:45 pm

MEGA PLUS

HUNGA AWO

POLIS A CONFISCA 2 AUTO FOR DI PINDASTRAAT RELACIONA CU LADRONICIA



Durante cu polis segundo auto tambe tabata investigando na Pindastraat y a confisca caba un Nissan March, polisnan a confisca un



Prome Minister Evelyn Wever-Croes:

PROME MINISTER A SPLICA E DIFERENCIA ENTRE E RIJKSWET ANTERIOR Y E RIJKSWET HIBRIDE

- Un di e preguntanan lansa na Prome Minister Evelyn Wever-Croes, pa un miembro di prensa, durante e conferencia di prensa relaciona cu e acuerdo entre Gobierno di Aruba y Gobierno di Hulanda, ta tin diferencia entre e e Rijkswet proponi pa Hulanda na prome instante y e Rijkswet Hibride.

Basa riba e pregunta aki, Prome Minister a splica cu

tin varios diferencia entre e dos Rijkswetnan aki. Na prome luga ta bon pa wak e Rijkswet den su totalidad cu tur e beneficienan financiero. Pa loke ta e Rijkswet anterior, un di e puntonan mas importante ta e cu den e Rijkswet ey, Parlamento no tabata tin e autoridad pa establece e normanan.

Den e Rijkswet hibride, e definicion di e normanan, e "normstelling", pues ken ta determina e normanan, ta

den un landsverordening cu ta di Parlamento.

Tambe e mandatario a indica cu un otro aspecto importante ta e RAft, cu Aruba no por a sali di dje facilmente. Den e Rijkswet hibride, a wordo palabra cu lo bay tin un "duidelijke exit bepaling" indicando ki ora Aruba lo por sali di e Rijkswet aki.

"Mirando e puntonan menciona, por nota cu tin



varios diferencia, pero un di e beneficienan mas grandi pa Aruba den e acuerdo actual ta cu Hulanda ta

bay compromete su mes pa refinancia e debenan bieu di Aruba". Prome Minister a expresa.

NOS TIN NET NADA DI TA ORGUYOSO DI DJE PA LOKE TA E ACUERDO DI RIJKSWET

Pero ta Aruba mes a presta su mes pa haña forza den esaki!

"Esun cu ta pensa cu mester ta orguyoso of cu mester considera e acuerdo cu Hulanda uno bon pa Aruba, sea no conoce nos historia y e lucha hiba of kier ta un ignorante di e falta di curashi cu tawata tin durante e ultimo casi 40 añanan desde nos Status Aparte", asina ex Minister Otmar Oduber a duna di conoce den un declaracion na prensa ayera. "Falta di cohon, falta di toma di decision y incapacidad a laga e Hulandes na Den Haag pone Aruba lomba contra muraya y abusa di nos. Mi a bisa esaki na 2016 ora a bandona AVP pa motibo cu no a cumpli cu e programa di gobernacion pa introduci algo similar na un BTW y MEP tampoco tawata tin e curashi pa introduci esaki y a opta pa

sigi cu un BBO cu no a sirbi e meta pa sanea e situacion financiero, sabiendo cu un BTW tawata e caminda pa cana", Oduber a declara cu un tono fuerte. Segun e ex Minister ambos partido grandi y gremionan tawata sa cu algo parecido na BTW tawata e caminda pa cana, pero niun di tres kier a tuma e pasonan necesario pa introduci esaki. "Banda di e hecho cu no a tuma e pasonan adecua pa loke ta nos sistema fiscal, di otro banda no a atende cu e gastonan exorbitante di e aparato di gobierno. Es mas te dia di awe niun partido ni den oposicion of cualicion kier hiba e e discucion aki riba gastonan di gobierno, paso no ta cumbini nan", dus Oduber. E ex mandatario ta enfatiza e hecho cu

bahamento di gastonan di gobierno ta un must y cu lamentablemente niun politico tin e curashi pa cuestiona esaki.

Pa añas a papia riba e hecho cu mester independisa departamentonan di gobierno, elimina esnan cu ta dimas of innecesario. Mester atende cu e mas di 32 edificionan bandona cu tin un balor di riba 300 mion. Tin cu reduci e cantidad di ministernan, pero tambe parlamentarionan, como tambe responsabilisafion di directornan y hefenen di departamentonan, como tambe reduccion den gastonan di operacion di gobierno. "Ainda nos ta na tempo, independiente di loke Hulanda a changa nos aden aki, pa atende



cu e dos puntonan aki, osea introduccion di un banda di un reforma fiscal berdadero, efectivo y productivo, anto di otro banda baha drasticamente gastonan di gobierno.

Esaki mester tin como meta pa inverti mas den nos enseñanza, nos infraestructura y nos grandinan y nan salud".

E ora ta awo segun señor Oduber pa haci lo corecto pa nos futuro generacion y pa demostra Hulanda cu si nos por tin e capacidad pa atende cu nos asuntonan na Oranjestad y no na Den Haag, pero pa esaki nos mester ta diciplina y consistente den nos accionan y no manera durante e ultimo decadanan cu a pasa.

"Nos Plataforma PAIS ta boga pa un reforma fiscal real estilo BTW y un acuerdo y compromiso awe, prome cu proximo eleccion, pa reduccion substancial di e gastonan di gobierno mediante un dialogo nacional cu tur partidonan y gremionan den nos comunidad", asina Otmar Oduber a enfatiza.

GRADUADONAN GRADO DI BACHELOR MAESTRO DI WISKUNDE



- Dialuna 6 di mei 2024 11 aña pa suficiente
Stephany Werleman, maestro segundo grado
convincientemente cu su de Wiskunde (bachelor)
investigacion (assessment), den enseñansa avansa na
a haci e examen final Aruba.
pa conclui su estudio E aña academico aki e
bachelor Lerarenopleiding ultimo studiantenan ta
Wiskunde na e facultad di finalisa nan estudio y e
Arte y Ciencia (FAS). bachelor Lerarenopleiding
Wiskunde ta yega na su
Universidat di Aruba fin. Anteriormente e aña
a percursa den e ultimo academico aki

NA PIZZA HUT NA SASAKI TAMBE UN PICK-UP A BIRA VICTIMA DI KIEBRO Y LADRONICIA FOR DI DJE



Diamars anochi a bolbe dreña informe di mas caso di kiebro y ladronia for di auto na un Pizza Hut na Sasaki, mesora a dirigi un patruya na e sitio. Na yegada di e patruya a bin constata cu e pick-up eynan a bira victima di kiebro y ladronia. Polis a compronde cu e ladronnan a bay cu su laptop Lenovo cual laptop tambe tabata na e adres na Pindastraat. E victima aki por recupera



su laptop pero si a keda cu cometi na su pick-up.
gastonan pa cubri e daño

Parlamentario Marco Berlis (MEP):

REUNION PUBLICO PA BIN UN UN RWZI NOBO DEN PARLAMENTO

Diahuebs 30 di mei lo tin e reunion publico cu lo trata e ley pa pasa tres plantanan di RWZI, e sistema di riool di Aruba, e incinerator y tur lo demas pa e entidad nobo di AWSS. AWSS (Aruba Wastewater Sustainable Solutions N.V.) lo bira cay directamente bao di Utilities mescos Elmar y WEB Aruba N.V. Esaki ta un paso historico, mirando cu nos pais apenas a sali dos aña for di pandemia di Covid, y awo a traha un plan pa asina porfin Aruba por conoce un planta nobo di RWZI na Bubali cu lo ta basta mas grandi cu esun actual. E planta actual tin hopi ekipo cu a dañá y e ta asina bieu cu ni e piesanan ta wordo traha mas. Esaki ta haci'e un planta obsoleto, cu tur consecuencia pa pais Aruba y su turismo.

Un poco di e historia di RWZI

- Bubali: construi na 1972, cu un capacidad di procesa 4500m³/dia.
- Parkietenbos: construi na 2007, cu un capacidad di 1500m³/dia
- Zeewijk: construi na 2008, cu un capacidad di 500m³/dia.

Timeline / Historia

- Na 1995 a haci e prome renobacion: primary, secondary y advanced upgrade na RWZI Bubali.
- Na 2007 a haci e di dos renobacion: Primary and advanced treatment upgrade.
- Na 2007 tambe a pone den funcion RWZI Parkietenbos. Na 2008 a pone den funcion RWZI Zeewijk. Na 2009 Witteveen+Bos a recomenda pa cuminsa procesa e sludge na Parkietenbos.
- Na 2014 Witteveen+Bos a recomenda un aeration tank nobo cu mester a costa Afl. 12.5 miyon, cual no a wordo inverti e tempo ey, y asina pone mas presion riba e planta di Bubali.
- Na 2015 mester a haci un mantenimiento urgente na e planta pa Afl. 1 miyon.
- Na 2017 TNO Caribbean a bolbe recomenda pa cumpra un aeration tank nobo pa Afl. 13 miyon.
- Na 2018 a recomenda pa cumpra ekipo y parts.
- Na 2019 a recomenda pa haci un mantenimiento critico di ful e planta.
- Na 2020 a inverti Afl. 3.6



miyon pa algun parts esencial pa e planta. Adicionalmente, entre 2021-2022 a haci inversion di Afl. 3.6 miyon y Afl. 830 mil den e planta di Bubali.

Un planta nobo cu un capacidad mas grandi.

Aunke cu pais Aruba ta den un periodo di recuperacion, gobierno a pone prioridad y maximo urgencia pa bini cu un plan pa cuminsa solucion tur loke tin di haci cu e awa sushi, nos sistema di riool cu ta masha anticua y den mal estado, y e kimamento di cierto tipo di sushi cu e incinerator. E capacidad di a planta nobo na Bubali lo ta 16.000 m³. Actualmente na Bubali Plas ta drelando mas o menos

9.000m³ di awa sushi. Gobierno a subi e capacidad di e planta nobo mirando ainda tin hotel pa habri y pe tin capacidad suficiente pa procesa e awa sushi segun e standardnan internacional. Si tur cos bay bon, e construccion di e planta lo por wordo concretisa den 2-3 aña. E lo ta un planta moderno cu e ultimo tecnologia.

Den conclusion, mi ta contento cu finalmente e ley a yega Parlamento y cu Aruba lo bay conoce pronto un planta nobo di RWZI y un entidad cu lo cuminsa modernisa e otro plantanan, upgrade nos sistema di riool y soluciona e kimamento di cierto tipo di sushi cu e incinerator. E debatenan den e reunion publico lo ta interesante y pueblo lo por wak tambe kende ta sostene e solucion importante aki pa pais Aruba.

Si pueblo desea mas informacion di e articulo aki, contact mi na tel: 528-4639 of email mi na: marco.berlis@parlamento.aw / Bo parlamentario y sirbisor di pueblo na bo ordo semper!

NA WERFSTRAAT TAMBE OTRO AUTO A BIRA VICTIMA DI KIEBRO Y LADRONICIA FOR DI DJE

Diamars anochi a drenta informe di un otro caso di kiebro y ladronia for di auto na Werfstraat, mesora a dirigi un patruya na e sitio. Na yegada di e patruya a bin constata cu un auto a bira victima di kiebro y ladronia.

Pero aparentemente e ladron a ser stroba y no a logra bay cu mas pertenencia. Locual a ser horta for di su auto tambe a ser haya den e Nissan March na Pindastraat y cu a ser confisca pa polis.



MISION COMERCIAL ENTRANTE DI TRINIDAD & TOBAGO

TAWATA UN EXITO



Camara di Comercio y Industria Aruba (KvK) a ricibi riba diahuebs 16 di mei ultimo un delegacion di 18 companianan di Trinidad & Tobago conhuntamente cu e Trinidad & Tobago Chamber of Industry and Commerce y e Trinidad and Tobago

Manufacturers' Asociation pa explora e mercado y oportunidadnan di negoshi, y alabes fortalece relacionnan di comercio entre e Aruba y Trinidad & Tobago.

E delegacion a representa e siguiente sectornan: construccion, cuminda y

bebida, logistica, imprenta y embalaje, quimico pa limpieza di cas y muebles di cas. E companianan originalmente a participa na un mision comercial na Corsou for di 15 te cu 17 di mei, pero nan a tuma e oportunidad pa bishita Aruba tambe riba 16 di mei.

E evento aki a tuma luga na Hyatt Place pa un dia completo. E reunionnan entre e companianan di Trinidad & Tobago y comerciantenan local

a cuminsa for di 9'or di mainta te 4'or di atardi. Durante e reunionnan di matchmaking, comerciantenan di ambos pais a conoce otro di cerca y explora posibilidadnan di colaboracion.

E mision comercial a wordo organisa riba iniciativa di ExportTT, un agencia di implementacion di maneho cu ta resorta bou di Ministerio di Comercio y Industria na Trinidad & Tobago, den colaboracion cu KvK cu e fin pa crea mas

laso comercial entre Aruba y Trinidad & Tobago. KvK a asisti cu e reunionnan di matchmaking y e contacto cu e companianan local y alabes a coordina e citanan ariba e dia di e mision comercial aki.

KvK ta hopi satisfecho cu e evento aki y por mira bek na un evento exitoso, y alabes kier gradici tur e participantenan pa nan interes y participacion na e mision comercial aki.

ILUNIZA CROES TA EMPLEADO SUPERIOR DI

ARUBA BANK

30 di mei 2024 - Iluniza Croes ta empleado superior di Aruba Bank pa luna di april 2024. Un empleado cu a demostra dedicacion y iniciativa sobresaliente, logrando asina e reconocimiento aki.

E compromiso di Iluniza pa semper pa "think outside the box" pa provee solucion pa e clientenan di Aruba Bank vu ta refleha e balornan di e banco. Su accionnan ta impacta e clientenan positivamente y ta pone un

standard halto pa e excelencia di servicio na cliente.

Den su tempo liber, Iluniza ta gusta haci diferente obra di man. Pa Iluniza esaki ta un actividad cu ta dune satisfacion ora e wak e resultado, y cu ta haci su mes y coleganan contento ora nan wak e producto final.

Pabien Iluniza pa ta un empleado ehemplar cu ta forma parti di Aruba Bank.



MINISTER ENDY CROES TA INVITA PUEBLO DI ARUBA PA E APERTURA DI WEGANAN ESCOLAR 2024 DIASABRA AWO

E gran apertura ta inicia 6 or di atardi na Stadion Nadi Croes y Crismo Angela.



Diasabra, 1 di juni, lo tuma luga e gran apertura di Weganan Escolar 2024 den curason di Santa Cruz.

E ceremonia oficial lo cuminsa 6 or di atardi cu desfile di 45 scol,

show di baile di NTG & NLG dirigi pa Marisol Peña, presentacion di Gihae Gymnastics Aruba, entretenimento di brassband y entrega di antorcha Olimpico. E aña aki 1300 alumno di 45 scol preparatorio, basico y secundario ta bay competi contra otro den diferente deporte manera, beach tennis, volleyball, futbol, badminton, “kids athletics”, We Baile y We Mente.

Na yegada, mascota Wiwi lo ta presente pa saluda e muchanan. Minister Endy Croes ta haci un invitacion special na Pueblo di Aruba pa bin apoya nos mucha – y hobennan durante e competencianan di



Weganan Escolar 2024 na Stadion Nadi Croes y Crismo Angela. cu ta inicia diasabra awo

ARUBA BANK TA DUNA APOYO NA EDUCACION CU IPADS PA IMELDA KLEUTERSCHOOL



Oranjestad – 29 di mei 2024 - Aruba Bank ta anuncia su ultimo iniciativa pa yuda educacion den comunidad local. Como parti di su compromiso continuo cu institucionnan educativo, Aruba Bank

a haci donacion di iPads na Imelda Kleuterschool, pa asina duna estudiante acceso na tecnologia moderno pa mehora nan experiencia di scol.

E introduccion di iPads

den e curriculum di e scol ta duna estudiante oportunidad pa uza aplicacion educativo interactivo y recurso digital, empoderando nan pa explora, crea, y siña den manera nobo.

Aruba Bank ta entusiasma di por a colabora cu Imelda Kleuterschool den nan mision pa duna educacion digitalisa na su studentenan. Aruba Bank ta kere den e poder di tecnologia pa transforma educacion y di e manera aki ta ekipa Imelda Kleuterschool cu iPads.



FLIP FLOP FESTIVAL TA MUDA PA HARBOR ARENA DIASABRA AWOR

Elite Empire Entertainment, Cerbes Chill, ydemas sponsors a informa diaranson atardi durante un rueda di prensa cu a tuma e decision pa voluntariamente muda e festival pa Harbor Arena for di Bushiri Beach Arena. E fecha lo keda mescos esta diasabra dia 1 di Juni proximo.

Locual a transcuri

Durante cu Flip Flop Festival a cuminsa traha na Bushiri Beach a bin tuma nota cu posiblemente lo tin un neishi di shoco riba e tereno. Inmediatamente a tuma contacto cu esnan cu ta encarga cu e proteccion di shoco pa asina por tuma medida pa proteha e bestianan. Aruba Conservation Foundation a dicidi di cera e area cu cabuya y tambe despues a pone un borch. E organisadornan a haya e conseho pa adicionalmente pone heki halto y tapa esaki rond di e area durante di e evento mes. Un otro al-

ternativa cu a keda presenta ta pa evalua si lo por muda e neishi. Sinembargo pa cu esaki no lo tabata tin suficiente tempo mirando cu esaki tin un proceso complica cu ne.

Apesar di tur e medidanan cu a pone riba e tereno, den bon colaboracion y combersacionnan cu varios 'stakeholders' a dicidi voluntariamente pa muda e evento for di Bushiri Beach Arena. E decision aki no tabata uno facil mirando cu e stage, luznan, sonido y pantayanan tabata poni caba na Bushiri. E cambio lo trece hopi gasto financiero y complicacion logistico. Sinembargo e ekipo di produccion tin e confiansa den e team cu lo logra di termina tus cos pa diasabra awor y Elite Empire Entertainment hunto cu su sponsors ta mira e importancia den preserva nos flora y fauna.

Durante e rueda di prensa e presidente di Aruba Conver-

vation Foundation Sr, Tyson Lopez a duna un danki na e organisacion pa mira e importancia den cuida nos naturalesa.

Diasabra 1 di Juni 2024

Pa loke ta e evento mes, esaki tin un reaccion sumamente positivo di publico. Miles di persona ja a cumpra nan carchi. Esaki ta debi na e mas di 10 atraccion musical tanto local como internacional cu lo ta presente durante e e anochi. Entre otro lo tin presentacion di e banda di soca 'Kes The Band' for di Trinidad, tambe e artista di dembow Angel Dior



di Republica Dominicana, Mical Teja di Trinidad, Alex Sensation di USA. Tambe lo tey presente Dj Latu di Hulanda, Ziggi Recado & The Nayamari Band y Tsunami, Mystical Connection y mas. Portanan ta harbri pa 5'or di atardi caba.

E evento lo tin su "food court" tambe unda cu diferente tipo di cuminda lo ta disponibel pa asina e publico por disfruta di dje. Esaki ta forma parti di ful un experiencia pa cada persona cu ta parti di e festival cu ta conoce su regreso despues di mas di cinco aña.

Carchi general ta disponibel na na Citgo Boulevard y Citgo Essoville. Tambe na Tropical Bottling Carry Out LG Smith Boulevard y Tropical Bottling Carry Out San Nicolas. Digitalmente por cumpra riba Pay.aw y Elite-empire.events.

Flip Flop Festival ta un presentacion Cerbes Chill, CMB, Setar NV, Coca-Cola, Bacardi, Kini Kini Transfers & Tours, Embassy Suites, Renaissance Wind Creek Aruba Resort, Ecotech, ATCO, Elite Empire, Rayo, Elite Productions y XFM 102.7.

CELEBRACION FIESTA DI CORPUS CHRISTI, PAROKIA BIRGEN DI FATIMA DAKOTA

Corpus Christi ta e fiesta di e Curpa y Sanger di Cristo, di e presencia real di Cristo den Eucarestia. E ta un fiesta cu ta wordo celebra desde siglo XIII. Cu e fiesta aki nos ta conmemora e institucion di e Santa Eucarestia ariba diahuebs Santo y nos ta duna tributo publico y solem di adoracion, amor y gratitud. E ta un fiesta hopi importante ya cu Eucarestia ta e regalo di mas grandi cu Dios a duna nos pasobra E tabata desea di keda cu nos, tambe despues di Su Ascencion na Shelo. Manera semper nos parokia lo celebra Corpus Christi na un manera special. Reverendo Pastoor Jozef Pelc y Reverendo Di-

acono Michael Nicolaas ta invita tur parokiano, gruponan di oracion y pueblo di Aruba en general pa asisti na e ceremonia y celebracion solem aki di adumingo awor, 2 di juni 2024, na Misa Birgen di Fatima Dakota. Tene cuenta cu e Santo Sacrificio di Misa ta cuminsa pa 5'or di atardi sigui pa un proseshon den cayanan di Dakota y terminando bek na misa. Lo reza e Santo Rosario pa 4'or y 15 di atardi. Cu un fe firme den Señor nos Dios, e Celebracion lo tin un influencia positivo riba nos bida spiritual, social, cultural y politico. Bin pa nos manifesta nos fe den Señor Hesus den Santisimo.

Maravillas de la Fe

Bo ta sufri di un malesa nan cu no no por cura? Manera artrosis, Alzheimer, demencia, depresión, diabetes osteoporosis, párkinson, insomnio, dolor di barica, weso migren dolo di barica, dolo di wesu, lomba, ect? Bo ta bebe remedi i bo no ta cura? Bo ta victima di bruheria? comunica na MARAVILLAS DE LA FE na 748 56 71

Bo no tin suerte? bo placa no ta jega? Bo ta cumpra number i bo no ta gana? Bo ta bai casino i perde tur bo placa? Invidia, mala suerte? comunika na 748 56 71

Bo tin problema di amor? Bo pareha ta gaña bo? Fracaso, soledad, angustia. comunika na



Comunica na 748 56 71



748 56 71



DIABIerna AWOR DURANTE EVENTO NA DJIESPIE'S PLACE LO DUNA RECONOCIMIENTO POSTUMO NA ETTY TOPPENBERG



Diabierna awor, esta 31 di Mei 2024, durante e actividadnan semanal cu ta tuma lugar anochi dilanti Djiespie's Place na final di Caya Grandi, lo tin un ceremonia special ora cu ta bay ofrece un reconocimiento postumo na un gran persona.

Hecho ta cu Djiespie's Place a bira ya e lugar caminda personanan di tur edad, por acudi pa asina disfruta di un anochi di gozo cu musica y tur cos riba e lugar cu tabata conoci antes como 'Plaza Comercio', y cu despues a bira 'Plaza Nikki Habibe'.

E reconocimiento postumo ta bay na e gran Eddy Toppenberg (d.f.m.), como cu e tabata e persona primordial cu a bin cu e idea pa tene dilanti Djiespie's Place un encuentro musical tur Diabierna anochi, cu ta converti su mes den un ambiente baila-

bel. Como cu a caba di remodela Caya Principal y cu eyan te piso ta tur di klinker, el a pronostica cu e lo bira e lugar ideal pa usa como pista di baile, specialmente pa nos grandinan.

E reconocimiento aki tambe lo worde expresa na gerencia di Djiespie's Place, cu a aporta cu e empresa pa haci e ambiente di Diabierna anochi bira un realidad, y cu ainda aworaki na 2024 ta sigui cu yen ambiente.

Ademas di esaki, varios persona ta expresando nan deseo pa e Plaza aki dilanti Djiespie's Place cambia di nomber, y bira Plaza Eddy Toppenberg.

Igor Hasham di e grupo musical 'Nos Cu Nos' ta toca regularmente na Djiespie's Place riba Diabierna anochi. E ta mira con en general, nos hendenan di edad grandi no



tin realmente otro lugar pa bay. Porfin riba Diabierna anochi nan a haya un lugar pa sea sinta, goza, y hasta rek pia un poco bao di e tononan musical.

Diabierna awor, grupo Nos Cu Nos lo bay ta animando dilanti Djiespie's Place. Segun Hasham, nan agrupacion pesey ta bin cu un repertorio cu ta cay na agrado di nos ciudadanonan aki. Buscando informacion ta con e ambientenan aki a start na Djiespie's Place, el a bin haya sa cu ta e conocido Eddy Toppenberg a yega di yega eyan, y a pidi permiso pa e sinta dilanti e negoshi y cuminsa toca cu su guitarra pa deleite di cliente y esnan canando den Caya Grandi. Asina e ambiente a start, cu djis un amplificador chikito. Despues di dos siman, ya nan a haya nan ta saca stul pafu pa acomoda publico cu a cuminsa aglomera pa scucha Eddy y su guitarra. E tabata algo chikito cu a bira grandi, y a pone Djiespie's Place bira e lugar di ambiente dushi cu musica Arubiano y Antiano, y logico e musicanan cu ta trend tambe.

HOMENAHE: Pa Diabierna awor, e grupo Nos Cu Nos ta planea di presenta algun cancion cu Eddy Toppenberg a haci famoso, incluyendo esun cu el a participa hunto cu Trio Huasteca den e famoso evento internacional di Festival OTI.

A prepara dos plaquette special pa haci entrega e anochi aki. Uno ta na casa di Eddy Toppenberg pa su gran iniciativa. Despues señora Toppenberg lo entrega e plaquette aki na viuda di Djiespie's pa asina

colge paden di e lugar. E otro plaquette ta na famia di Djiespie Franken, kende ta esun cu a sostene e actividad aki di comienso. E plaquette aki tambe lo wordo colga na lugar special den Djiespie's Place.

Publico ta invita pa acudi na e anochi special aki cu lo bay bira uno caminda ta honra tanto Eddy Toppenberg, y tambe Djiespie Franken kendenan a uni forza pa asina a crea e ambiente cu ainda tey tur Diabierna anochi den Caya Grandi.



BRIYANDO FUERTE • TRECIENDO CLARIDAD *Di Pueblo*

TA BUSCA PARTIDORA DI

CORANT PA AREA DI

Simon Antonio - Pos Chikito

Brazil - Sanicolas

Horario: 7.30 pm

Contact: 585-9500

E-mail: solodipueblo@gmail.com



HOROSCOPO

31 di Mei 2024

Feliz y productivo diabierna. Awe t'e ultimo dia di luna di mei, dunando asina luna di juni un bon bini. Nos a yega mita di aña y nos ta cla p'e retonan nobo sigui te cu fin di 2024. Awe Solo di Pueblo ta presenta bo horoscop pa dia 31 di mei, 2024.

Aries
Agobio no ta bon pa convivencia cu bo pareha. Bo mester tuma un determinacion cu e posibel negoshi aki. Oferta di trabao cu miho salario y mas responsabilidad. Estado di debilidad di caracgter pasahero. Number di suerte: 89, 63, 7

Tauro
Mas namora cu nunca y ademas di esey, lo bo wordo corespondi. Bo ta gana

lo suficiente pa bo permiti tur tipo di capricho. Laboralmente, dia hopi movido. Evita custumber cu ta dañá bo facultadnan fisico. Number di suerte: 66, 39, 3.

Geminis
Demuestra bo cariño n'e persona stima. Sea prudente cu gasto. Nan lo haci bo un interesante oferta di trabao. Bo lomba no ta haci mas cu duna bo problema, purba landa. Number di suerte: 43, 17, 5.

Cancer
Jaloezie ta den bo mente y no ta laga bo rasona. Bo tin un suerte envidiabel cu placa. Tuma e decisionnan profesional cu hopi calma. Lubida di automedica bo mes, consulta cu e especialista. Number di suerte: 55,

49, 5.
Leo
Aunke bo ta melancolico, no cay den solucion facil. Gasta semper un moneda menos di loke bo ta gana. Coopera cu bo compañeronan di trabao. Bo no ta invencibel, asina ta controla bo energianan. Number di suerte: 85, 99, 7.

Virgo
Sin spera, amor lo invadi bo curason. Un amigo lo yuda bo resolve bo problemanan financiero. Bon expectativa profesional, bida ta habri cu bo. Calma cu e imprevisitonan si bo no kier caba cu bo nervionan. Number di suerte: 88, 69, 8.

Libra
E clashnan cu bo tin cu bo pareha, lo calma. Invita ta bon, pero cu control. Bon dia na trabao, pero no 'take it for granted.' Por ta un mal paso lo causa cu bo ta haya golpi, wak unda bo ta cana. Number di suerte: 36, 32, 6.

Scorpio
Estado melancolico y soñador cu lo cautiva un hende. Lo bo haya diferente oportunidad di gana placa. E ritmo di trabao lo ta bastante acelera. Bo por comete algun exceso si cu bo curpa lo nota. Number di suerte: 93, 57, 1.

Sagitario
Nochi romantico cu bo pareha. Bo inversionnan lo wordo balorisa. Varios entrevista laboral lo tene bo ocupa. Prudencia, no comete exceso cu cumin-da. Number di suerte: 14, 17, 5.

Capricornio
Bo mester mima bo pareha mas, e ta sintie lubida. Lo bo resolve bo problem-anan economico cu exito. Evita confronta bo compañeronan di trabao. Si bo ta humá, purba di baha e consumo. Number di suerte: 95, 62, 2.

Acuario
Bo ta den un bon momento afectivo. Exigi recibo di tur loke bo cumpra, nan por gaña bo. Si bo kier ascende bo mester move un ke otro hilo. Bo salud lo cuminsa mehora, Number di suerte: 72, 73, 7.

Piscis
Si bo controla bo cambionan di humor, lo bo disfruta di amor. Controla e gastonan sin stop. Lo bo alcanza bo metanan profesional. Tendencia pa sufri di mgraine. Number di suerte: 74, 65, 6.

Polisnan ta sigi cu control den Trafico a para un auto cu a comete infraccion na rotonde Tanki Leendert



Den cuadro di haci automobilistanan mas consciente di e seguridad di trafico polis ta eherciando controlnan tur caminda y

revisando si e documentonan ta na ordo. Laga esaki ta un bon momento pa revisa si bo auto y bo documentonan ta na ordo.

**Invitacion:
Riba tur prome diasabra di luna tin misa na Kapel Alto Vista di n milage masha grandi y impresionante di solo**

Diasabra 7 di october 2023, pa 7 or di mainta tin Santa Misa na Kapel di Alto Vista y Den Kapel di Cas Curason di Maria na San Nicolaas. (Blue Army)
Prome cu Santo Eucarestia ta resa Santo Rosario cuminsa pa 6.15 “Misterio Gososo”, despues ta sigi cu Salve Regina. Ta invita henter e pueblo, deboto y fielnan pa asisti na e Santa Rosario prome cu misa. Luna di october ta luna di Mama Maria, E ta intersede pa nos na nos Tata Celestial. Tur fielnan di Mama Maria ta bin resa e Santo Rosario pa bienestar di henter comunidad di Aruba. Papa Francisco ta haci un suplica na mundo henter pa resa e Santo Rosario, nos ta den un tempo di crisis grandi, hopi no ta weita cu nos ta den un tempo crucial cu nos no ta mira e fin. Aki na Aruba ya nos ta sinti e Cambio di Clima.. E caliente di e solo ta afecta nos tur dia. Den e tempo aki cu malesanan ta invadi HUMANIDAD. Laga cu nos ta mas consciente cu nos

mester di oracion. Mama Maria a bisa e 3 muchanan di Fatima dia 13 di october, “ Ami ta La Birgen di Rosario. Mi a bini pa spierta hende pa drecha nan bida, no haci Dios bira tristo pa via di pica (ya cu Dios ta sufri tanto caba pa pica di hende), resa Santo Rosario tur dia y haci penitencia pa nan pica.” Cu cara tristo y suplicante La Virgen a papia e palabranan cu a haci mas impresion ariba Lucia. “Laga hendenan stop di ofende Dios; ya nan a ofend’E di mas caba.” Na ocacion di delaster aparicion, mas o menos setenta mil hende tawata testigo
Laga nos ta resa pa necesidad di Iglesia Universal, pa Papa Francisco, Obispo Luis Secco, tur sacerdote, Diacono y laiconan cu ta hiba e bon noticia pa e pueblo di Dios. Pa nos Gobernantenan y tur cu ta carga responsabilidad pa nos pais Aruba. Pa enfermonan den exterior cu a bay busca nan salud. Pronto lo ta na Aruba y gosa di un bon salud.

MINISTER ENDY CROES TA FELICITA RICARDO'S RESTAURANT CU APERTURA DI NAN DI DOS LOCALIDAD SITUA DEN ORANGE PLAZA MALL



ORANJESTAD: Recientemente, den un esfera festivo Ricardo's Restaurant & Bar Aruba a celebra nan dies (10) aniversario cu apertura di nan localidad nobo situa den Orange Plaza Mall. E celebracion a conta cu presencia di Minister Endy Croes acompaña pa su kerida esposa Dilailah Croes – Odor, Prome Minister di Aruba Evelyn Wever – Croes y Minister Xiomara Maduro. Memey di famia, amistad y demas invitadonan special, propietario nan Sra. Anky y Sr. Harold

Chirino a haci e gran apertura, unda cu Sra. Anky a corta e cinta y asina e restaurant a keda oficialmente habri.

Ricardo's Restaurant ta ofrece nos local- y turistanan platonan delicioso y ta habri pa desayuno, almuerzo y cena. Pa conclui, Minister Endy Croes ta felicita e propietario di Ricardo's Restaurant pa kere y inverti den economia di nos pais. Alabes ta felicita staf y personal cu apertura di dos restaurant y ta desea nan hopi exito. Pabien!



**OLIVE TREE'S
PRE-PAID
FUNERAL PLAN**

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

1 JUNI 2024

FESTIVAL DI CANTO DERA GAY

BAN APOYA NOS MUCHANAN Y HUNTO NOS TA CANTA "DERE GAY DERE GAY"

CATEGORIA	PREMIO
5 - 7 AÑA	GANADOR ABSOLUTO FL.500,=
7- 9 AÑA	SEGUNDO LUGAR FL.250,=
10 - 12 AÑA	TERCER LUGAR FL.150,=

ORARIO: 6:30 PM - 11:30 PM
LUGAR: CENTRO DI BARIO BRAZIL
ENTRADA: FL.10,= PA ADULTO

ENTRADA PA TUR MUCHA TA GRATIS!

OBJECTIVE REALTY ARUBA

DEPARTAMENTO DI CULTURA ARUBA

BO YU KIER PARTICIPA?
TEL: 564 6099 POR INSCRIBI TAMBE NA EMAIL: FUPROCUNO2@GMAIL.COM

FORTALEZA PA FAMIA

Scirbi pa Pastor Marcel Balootje.

NO TIN NINGUN PICA CU LO

NO SALI NA CLA



*Ta pone nos corda riba un yoke di un persona cu tabata bende droga den un area turistico, y polis a yega y corre cune for di e lugar.

*E persona a contesta, na e polis, ata abo ta traha, pasobra kico bo ta stroba ami di traha?

*Den e caso aki nos por mira cu e persona ta considera maldad como su trabao.

Proverbionan 28:13 ta bisa: Esun cu sconde su pica lo no prospera, ma esun cu confesa y laga nan, lo haña misericordia.

1Juan 1:9 ta garantiza nos: Si nos confesa nos picanan, E ta fiel y husto pa pordona nos, nos picanan y pa limpia nos di tur in-husticia.

Ora ta trata di nos hogar, tur pica cu nos ta comete scondi y no ta confesa, ta un peliger pa nos famia, pasobra e enemigo ta usa esey pa kibra e famia ora e pica sali na cla, hopi biaha un mayor no ta tene cuenta, cu ora su bagamunderia sali na cla cuanto daño mental, spiritual, of tin biaha e por traumatiza su famia pa largo tempo.

Ta un specialidad di e enemigo pa siña con tira piedra sconde man, con come limpia boca y bisa mi no a haci nada.

Den Job 24:13-15 ta para scirbi: Tin esnan cu ta rebeldia contra e lus, nan no conoce su camindanan, ni ta keda den su berehanan.

E matado ta lanta ora dia ta habri: E ta mata povernan y esnan den necesidad y anochi e ta mescos cu un ladron. E wowo di e kibrado di matrimonio, ta warda te ora cuminsa bira scur. Y e ta bisa: Ningun wowo lo mirami. Y e ta distraza su cara.

Esun cu ta tene cuenta cu instruccion ta riba e bereha di bida, ma esun cu ta rechasa, reprendermento ta cana dwal.(Proverbionan 10:17).


Boso picanan a causa separacion entre boso y boso Dios,y boso picanan a haci

cu Su cara keda scondi pa boso,asina cu E no ta tende.(Isaías 59:2).

No tin un engaño diabolico mas grandi cu pone un hende kere cu e ta felis, sabiendo bon, cu e ta biba leu for di boluntad di Dios, cubri bao di maldad, inmoralidad y abominacion.

Mientras cu nos no confesa nos pica, e enemigo ta sigi acusa nos dilanti di Dios, y pica sin confesa ta un porta habri pa tur cos, pesey nos mester confesa na Dios.

Sinceramente, Pastor Marcel Balootje.



8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

Pica scondi ta un peliger pa nos mes personalmente, pa nos cas, pa nos famia, y si bo ta carga ministerio, pa e congregacion completo, y si bo ta den liderazgo di un compania pa e compania,y si bo ta lider di un pais, pa henter e pais.

Romanos 6:23 ta para scirbi: pasobra pago di pica ta morto, ma e don di gracia di Dios, ta bida eterno den Cristo Hesus nos Señor.

Awendia e combersacion di satanas y Eva ta wordo hopi usa, den cual satanas ta bisa Eva cu Dios ta robes

y cu Eva por haci locual cu kier, y cu desobediencia lo haci Eva sabi, asina e pica a drenta mundo y ta haciendo daño te awe.

Pesey Isaías capitulo 5:20 ta bolbe corda nos: Ay di esun cu ta yama loke ta malo bon, y loke ta bon malo,loke ta scuridad lus,y loke lus scuridad ,, y loke ta marga dushi, y loke ta dushi marga.

*Awendia den hopi caso esun cu ta, of den pica of ta haci malo no kier wordo coregi,y e ta rechasa e palabra di Dios.

Clasificados

SOLODIPUEBLO@GMAIL.COM
CEL.585 9500

Despues di cu merdia polis a detene dama burachi, despues di mey anochi at'e atrobe den bar!



Diaranzon madruga polis a bay na un bar na Ponton pa un muhe burachi, mesora a dirigi un patruya na e sitio. Na yegada di e patruya nan a topa e mesun muhe cu polis a detene

merdia. Polis a puntr'e si ainda e ta bebiendo ela contesta cu ta treat nan ta treat e. Pa su mesun bon y di otronan polis a pidi e vehiculo di transporte y a bay hib'e na su cas.



TE HUUR prime lokatie

Kantoorryimte beneden-
verdieping 90 m2 te
L.G. Smith Boulevard 22
vanaf 1 juli a.s.,
Huurprijs n.o.t.k.

Voldoende parkeerruimte

Te bevrage

bij **5824417**

t.a.v. Prisca Sapuana of
Sapuanap@kloeslawyers.com

CELEBRANDO 38 AÑA DEN RADIO
DIFUSION DI CECILITO LOPES

**GRAN FESTIVAL
DI RANCHERA**

1 JUNI 2024 | 8.30PM

CLUB CAIQUETIO

ENTRADA GENERAL: FLS 35,-

LO BAI TIN HOPI DOORPRIZES #ANDALE ANDALE!

Accidente basta pisa cu hende herida dilanti 88 Food Center



Diaranzon madruga a drenta informe di un accidente cu hende herida dilanti 88 Food Center na Macuarima, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un pick-up maneha pa un dama cu lo a bira dilanti un Jeep sin dun'e preferencia y nan a dal

den otro y e pick-up a bay dal un otro auto staciona. Debi na e fuerte impacto e dama den e pick-up a resulta herida. Na yegada di e ambulans na prome instante no por a logra saca e dama for di e pick-up pero un rato despues si a logra sak'e. Nan a atende y transporte pa ricibi tratamiento mas avansa na hospital.

Parlamentario, ing. Mike de Meza:

Compania nobo ta djis otro manera di core pa responsabilidad y hinca friends & family



Despues di a atende un reunion publico den cual Gabinete Wever-Croes II a introduci un concepto di ley pa crea un compania estatal bou di Utilities Aruba N.V., Parlamentario di Partido di Pueblo Arubano AVP, ing. Mike de Meza a denuncia publicamente con gobierno actual ta core pa su responsabilidad y ta sigui purba hinca

mas di su hendenan den e aparato publico. Oficialmente, e proposito di e compania estatal nobo lo ta e maneho di e tres plantanan di tratamiento di awa sushi ubica na Parkietenbos, Bubaliplas y Zeewijk, ademas di e insinerado na Parkietenbos. Sinembargo, de Meza ta kere cu esaki ta djis un manera pa Gabinete Wever-Croes por laba man di su responsabilidad pa e mal maneho hiba, genera mas placa pa nan maluzay crea luga pa emplea mas di nan friends & family. Fraccion di AVP a studia e concepto di ley cu gobierno a presenta y ta considera cu esaki no ta un solucion berdadero ya cu no tin estudio pa demonstra su factibilidad. E realidad

ta cu no tin un solucion integral y sostenibel; no tin documento adicional necesario manera plan di formacion, maneho strategico of analisis di riesgo. "Durante e shete añanan di Gabinete Wever-Croes I y II a causa un desaster den maneho di sushi tanto solido y likido. Hopi ciudadano y comerciante a haya nan mes ta bay corte y gana caso. Aruba a bira un dump sin ningun planificacion of alternativa. Mas cu 300 mil ton a wordo dera sin un plan kico ta bay haci cu ne. E maneho ta desastroso y e situacion ta alarmante," de Meza a indica. Y ta Minister President Evelyn Wever-Croes mes ta responsabel pa esaki pasobra RWZI ta cay bou

di DOW cu ta e cartera di infraestructura. Loke si gobierno ta cla pa bisa ta cu e ta bay costa 200 miyon florin, pero sin splica pakico, mientras cu esaki ta e gobierno cu a haya 500 miyon florin extra pa aña danki na medida y asina mes no tin pa inverti. Awo kier sac'e atrobe for di saco di otro, den e caso di e cartera di turista, poniendo na peliger e pan di henter e pais.

Realidad ta cu tin mas cu 20 pagina di preocupacion expresa pa Raad van Advies cu gobierno ta ignora y nenga di duna splicacion. Realidad ta cu esaki ta un concepto di ley cu no mester a yega parlamento mes. No sa caba cu e ta bay pasa toch, danki na e sosten di coalicion MEP-RAIZ y asina Gabinete Wever Croes atrobe ta core pa su responsabilidad.

Riba dje, e echo cu kier pone e compania nobo aki bou di Utilities Aruba N.V. tambe ta cuestionabel ya cu e ultimo aki actualmente ta carece di tur

tipo di credibilidad actualmente mirando e desaster cu tin tanto na WEB, como na Elmar.

Parlamentario De Meza ta boga pa proteha medio ambiente, salud di hende y industria turistico y considera pa cambia e planta di procesamiento di luga. Si mester haci cambio na e ROPV, esey ta posibel door cu ta pa un motibo di urgencia y na favor di bienestar general.

